

КИМЁ СANOATИДАГИ АСОСИЙ КЎРСАТКИЧЛАР БЎЙИЧА АХБОРОТ БЕРИЛДИ

Президент Шавкат Мирзиёев 7 июль куни кимё саноатида эришилган асосий кўрсаткичлар ва режалаштирилган лойиҳалар тақдимоти билан танишди.

“Ўзкимёсаноат” акциядорлик жамияти бошқаруви раиси Ж. Мирзамахмудов Ўзбекистон Президентининг 2018 йил 25 октябрдаги қарори асосида тармоқ диверсификация қилиниб, янги маҳсулотлар ўзлаштирилгани ҳақида ахборот берди. Натижада охириги 3 йилда ишлаб чиқариш 1,5 баравар, экспорт эса 2 баравар ошган.

Асосийси, илгари сурункали зарар билан ишлаган бу тармоқ 2021 йилни 1,6 триллион сўм соф фойда билан якунлаган.

Жорий йилнинг олти ойида жамият корхоналари томонидан қарийб 7 триллион сўмлик маҳсулот тайёрланиб, ишлаб чиқариш 11 фоиз ўсган. 218 миллион долларлик товарлар экспорт қилинган.

Йил якунигача ишлаб чиқаришни 14 триллион сўм, экспортни 425 миллион долларга етказиш режалаштирилган. Бунинг учун иккинчи ярим йилликда 650 минг тонна азотли, 70 минг тонна фосфорли ва 120 минг тонна калийли ўғитлар ҳамда 80 минг тонна поливинилхлорид ишлаб чиқариш мўлжалланган.

Давлатимиз раҳбари тармоқ корхоналари самарадор-

лигини ошириш ва уларни трансформация қилиш бўйича тизимли ишлаш кераклигини таъкидлади. Энергияни тежаш ва маҳаллийлаштириш орқали таннархни 6 фоизгача камайтириш мумкинлиги кўрсатиб ўтилди.

Тақдимотда галдаги истиқболли лойиҳалар ҳақида ҳам маълумот берилди. Кайд этилганидек, йил якунига қадар 400 миллион доллар инвестиция ўзлаштирилиб, 9 та лойиҳа ишга туширилди. Жумладан, “Навоийазот”-да метилцеллюлоза, техник газ, суюк минерал ўғитлар, Чирчиқ кимё технопаркида кўпикли полипропилен, органик ўғитлар ва полимер маҳсулотлар ишлаб чиқариш йўлга қўйилди.

Президентимиз янги лойиҳаларни факат хусусий инвестициялар иштирокида амалга ошириш зарурлигини таъкидлади. 5 та кимё кластерида камида 1 миллиард долларлик лойиҳалар портфелини шакллантириш вазифаси қўйилди.

Шунингдек, акциядорлик жамиятига қарашли корхоналарни хусусийлаштиришни жадаллаштириш бўйича топшириқлар берилди.

Ў.А.

Сенат ялпи мажлиси олдидан

ЮРТИМИЗ РАВНАҚИГА ДАХЛДОР ДОЛЗАРБ МАСАЛАЛАР – МУҲОКАМА МАРКАЗИДА

Хабарингиз бор, бугун Олий Мажлис Сенатининг ййигирма саккизинчи ялпи мажлиси бўлиб ўтади. Эътиборлиси, унинг кун тартибидан мамлакатда амалга оширилаётган ислохотларни янада жадаллаштириш ҳамда аҳолининг фаровонлигини юксалтиришга йўналтирилган қатор масалалар ўрин олган. Бу масалалар парламент юқори палатаси кўмиталарида дастлабки тарзда муҳокамалардан ўтказилди.

Хукуматга юборилган парламент сўрови натижалари кўрилди

Халқаро муносабатлар, ташқи иқтисодий алоқалар, хорижий инвестициялар ва туризм масалалари кўмитаси мажлисида Вазирлар Маҳкамасига экспорт ҳажмининг барқарор ўсишни таъминлаш ва унинг номенклатурасини диверсификациялаш бўйича қўрилаётган чора-тадбирлар юзасидан юборилган парламент сўрови натижалари дастлабки тарзда кўриб чиқлди.

Мажлисида Хукумат томонидан экспорт ҳажмини оширишга тўсқинлик қилаётган мавжуд муаммо ва камчиликларни бартараф этиш бўйича салмоқли ишлар бажарилгани айтилди. Масалан, республика ташқи иқтисодий фаолиятини тартибга солувчи амалдаги норматив-ҳуқуқий ҳужжатларни такомиллаштириш, парламент

сўрови муносабати билан аниқланган муаммоларни бартараф этиш мақсадида тегишли норматив-ҳуқуқий ҳужжатлар лойиҳалари ишлаб чиқилган.

Таъкидланганидек, парламент сўрови натижасида ташқи савдо операциялари ягона электрон ахборот тизими фаолиятида узлишларнинг олди олинган. Дастур Давлат божхона кўмитасининг эскирган серверларидан Инвестициялар ва ташқи савдо вазирлигида ўрнатилган замонавий, юқори тезликдаги серверларга ўтказилди.

Тадбирда Ўзбекистон Республикаси Давлат бюджетининг 2021 йил якунлари бўйича ҳамда 2022 йил I чорақдаги ижроси тўғрисидаги ҳисобот ҳам муҳокама қилинди.



Ўзбекистон Республикаси Олий Мажлиси Сенатининг ййигирма саккизинчи ялпи мажлиси очилиши тўғрисида

Ўзбекистон Республикаси Олий Мажлиси Сенатининг ййигирма саккизинчи ялпи мажлиси 2022 йил 8 июль куни соат 10:00 да Тошкент шаҳрида Сенатнинг мажлислар залида ўз ишини бошлайди.

Ялпи мажлис видеоконференцалоқа шаклида ўтказилиши режалаштирилган.

Ялпи мажлис Сенатнинг “YouTube” тармоғидаги саҳифаси орқали тўғридан-тўғри ёритиб берилиди.

Ўзбекистон Республикаси Олий Мажлиси Сенатининг Ахборот хизмати.

Ўзбекистон Республикаси Президентининг ҚАРОРИ

ПАХТА ҲОСИЛДОРЛИГИНИ ОШИРИШ, ПАХТА ЕТИШТИРИШДА ИЛМ ВА ИННОВАЦИЯЛАРНИ ЖОРИЙ ҚИЛИШНИНГ ҚЎШИМЧА ТАШКИЛИЙ ЧОРА-ТАДБИРЛАРИ ТЎҒРИСИДА

Пахта ҳосилдорлигини ошириш бўйича янги тизимни жорий қилиш, пахта етиштиришда илм ва инновацияларга асосланган уруғчилик, нав танлаш, ерга ишлов бериш, ўғитлаш, сугориш ишларини йўлга қўйиш орқали пахта-тўқимачилик соҳасида экспорт ҳажмлари ва даромадни ошириш мақсадида:

1. Ўзбекистон Республикаси Президенти ҳузурида Пахтачилик кенгаши (кейинги ўринларда — Пахтачилик кенгаши) ташкил этилсин ҳамда унинг таркиби 1-иловага мувофиқ тасдиқлансин.

Қуйидагилар Пахтачилик кенгашининг асосий вазифалари этиб белгилансин:

ҳар йили ҳудудларда маҳаллий шароитларда яхши ҳосил бераётган навларни таҳлил қилиб, уларнинг супер элита ва элита уруғларини кўпайтириш бўйича илмий ташкилот ва уруғчилик корхонасини белгилаш;

ҳудудларнинг тупроқ-иклим шароитларига мос энг мақбул навларни ҳудудларда кўпайтириш ва экиш бўйича кластерларга топшириқлар (кўрсатмалар, буюртмалар) бериш;

тупроқ унумдорлиги, унинг кимёвий ва биологик хусусиятларининг илмий таҳлили асосида ҳудудларда қўлланилиши мумкин бўлган кимёвий ва органик ўғитлар бўйича тавсиялар бериш;

ғўза касалликлари ва ҳашаротларга қарши курашиш бўйича самарадор препаратларни қўллаш юзасидан кўрсатмалар ишлаб чиқиш ва татбиқ этиш;

кластерларга ҳудудлар тупроқ-иклим шароитларига мос ғўза навларини экиш ва уруғларини кўпайтириш, тупроқ унумдорлигини ошириш, минерал ва органик ўғитлардан фойдаланиш ҳамда пахтачиликда сув ва ресурстежамкор технологияларни жорий этиш бўйича кўрсатмалар бериш;

хусусий секторни жалб қилган ҳолда давлат-хусусий ҳамда хусусий уруғчилик кластерларини ташкил этиш ва бу орқали рақобат мўҳитини яратиш;

пахтачилик йўналишидаги илмий-тадқиқот муассасалари фаолиятини мувофиқлаштириш.

2. Қуйидагилар:

Ўзбекистон Республикаси Президенти ҳузуридаги Пахтачилик кенгашининг Регламенти 2-иловага мувофиқ;

Ўзбекистон Республикаси Президенти ҳузуридаги Пахтачилик кенгашининг бошқарув гуруҳи таркиби 3-иловага мувофиқ;

Ўзбекистон Республикаси Президенти ҳузуридаги Пахтачилик кенгаши фаолияти йўлга қўйиладиган 13 та туманларда амалга оширилаётган чора-тадбирлар режаси 4-иловага мувофиқ;

Ўзбекистон Республикаси Президенти ҳузуридаги Пахтачилик кенгаши фаолияти йўлга қўйиладиган 13 та туманларда амалга оширилаётган пахтачилик йўналишидаги лойиҳалар рўйхати 5-иловага мувофиқ тасдиқлансин.

(Давоми 2-бетда).



ЎЗБЕКИСТОНДАГИ КОНСТИТУЦИЯВИЙ ИСЛОҲОТЛАР МАМЛАКАТ ТАРИХИДА ЯНГИ ТАРАҚҚИЁТ ДАВРИ БОШЛАНГАНИДАН ДАЛОЛАТ БЕРМОҚДА



Дунё нигоҳи

Асосий Қонунга киритиш таклиф этилаётган ўзгартиш ва қўшимчаларнинг умумхалқ муҳокамаси хорижий ОАВ диққат марказида.

Хорижий оммавий ахборот воситалари Ўзбекистонда конституциявий ислохотларнинг боришини кенг ёритишда давом этмоқда.

Хусусан, Буюк Британиянинг “Open Central Asia Magazine” журналида Ўзбекистон Конституциясига ўзгартиш ва қўшимчалар киритиш юзасидан таклифларни шакллантириш ва ташкилий чора-тадбирларни амалга ошириш бўйича Конституциявий комиссия раиси Акмал Саидов қаламига мансуб “Янги Ўзбекистон конституциявий ислохотларга интиломда” сарлавҳали мақола чоп этилди.

Нуктаи назар

БИР-БИРИГА СУЯНГАН ТОҒЛАР

Тўй-марока, хизмат юзасидан Қорақалпоғистоннинг денгли барча ҳудудида бўлганмиз. Танги, меҳнаткаш, ориятни қабиҳликдан устун қўйган қорақалпоқ халқи ичида дўстларим, биродарларим кўп. Худуд аҳолисининг матонати, йиллар давомида ййиглиб қолган ижтимоий-иқтисодий муаммоларни сабру қаноат билан енгиб, бир-бирига елкадошлигидан ихлоси ортади кишининг.

Айниқса, Орол фожиаси, унинг асоратларида халқларимиз бир-бирини суюнган тоғ сифатида билиб, қувонч ва тавишларини баҳам кўриб келди. Ниҳоят, ёруғ кунлар келиб, минтақада истиқомат қилаётган қорақалпоқ халқи ва барча юртдошларимиз елкасига офтоб теғди. Ижтимоий-иқтисодий ва сиёсий янгила-нишлар ниҳоллари бўй чўзди. Мамлакатимиз раҳбарининг ташаббуси билан Оролбўйи-ни экологик соғломлаштириш, бу ерда яшаётган аҳолининг ҳаёт даражасини кўтариш, эртанги кунга ишончларини мустаҳкамлаш мақсадида улкан лойиҳалар ва ободон-лаштириш, бунёдкорлик ишлари амалга оширилди.

Айнан Орол масаласига тўхталадиган бўлсак, 2017 йили Бирлашган Миллатлар Ташки-лоти Бош Ассамблеясининг 75-сессиясида давлатимиз раҳбари Шавкат Мирзиёев дунёнинг энг нуфузли минба-райланган қисмида яшил ҳудуд-лар барпо этилмоқда. Орол денги-

зининг қуриши муаммоларини кўтариб, Орол фожиаси оқибатларини бартараф этиш билан боғлиқ халқаро миқёс-даги саёй-ҳаракатларни фаол бирлаштиришга қақирган эди.

Юртбошимизнинг ушбу нутқидан сўнг Орол муаммо-сига ечим сифатида тизимли ишлар амалга оширилди. Хусусан, 2021 йил 18 май куни БМТ Бош Ассамблеяси 75-сессиясининг ялпи мажли-сида Ўзбекистон томонидан ташаббус сифатида ишлаб чи-қилган муҳим ҳужжат — “Орол-бўйи минтақасини экологик ин-новациялар ва технологиялар ҳудуди деб эълон қилиш тўғрисида”ги махсус резолю-ция кўриб чиқилди ва БМТга аъзо барча давлатлар томо-нидан бир овоздан маъқулланди.



Ўзбекистон Республикаси Президентининг ҚАРОРИ

АВТОТРАНСПОРТ ВОСИТАЛАРИНИ БОШҚАРИШДА ВА ЙЎНАЛИШСИЗ ТАКСИ ФАОЛИЯТИНИ АМАЛГА ОШИРИШДА ҚЎШИМЧА ҚУЛАЙЛИКЛАР ЯРАТИШ ТЎҒРИСИДА

Автотранспорт воситаларидан фойдаланиш-да аҳолига қўшимча қулайликлар яратиш, рес-публикада йўловчи ташиш транспорти тизи-мини ривожлантириш, ушбу йўналишда кўрса-тилаётган хизматлар сифатини ошириш, иш-сизлиқни қисқартириш ҳамда транспорт хиз-матлари бозорини ривожлантириш мақсадида:

1. 2022 йил 1 сентябрдан бошлаб авто-транспорт воситасини бошқариш ҳуқуқини берувчи ишончномаларни Ягона интерактив давлат хизматлари портали орқали электрон шаклда расмийлашти-риш тизими жорий этилсин.

2. Белгилансинки:

а) электрон шаклда расмийлаштирилган ав-тотранспорт воситасини бошқариш ҳуқуқини берувчи ишончномани (кейинги ўринларда — электрон ишончнома) нотариал тасдиқлаш талаб этилмайди;

б) электрон ишончнома расмийлаштир-ганлик учун давлат божи унинг амал қилиш муддатидан келиб чиққан ҳолда ишонч-номани нотариал тасдиқлаш учун ўрнатилган давлат божига нисбатан қуйидаги фоизлар-да ундирилади:

бир ойгача бўлган муддатга — 10 фоиз;

олти ойгача бўлган муддатга — 50 фоиз;

уч йилгача бўлган муддатга — 100 фоиз.

в) электрон ишончнома мавжудлиги Давлат йўл ҳаракати хавфсизлиги хизмати ходим-лари томонидан мобиль қурилмалар орқали текширилади;

г) электрон шаклда расмийлаштирилма-ган автотранспорт воситасини бошқариш

ҳуқуқини берувчи ишончномаларга нисба-тан амалдаги нотариал тасдиқлаш тартиби сақлаб қолинади.

3. Юридик шахсларга тегишли автотранс-порт воситаларини бошқараётган шахсларнинг икки йилда бир марта мажбурий малакасини ошириш талаби бекор қилинсин.

4. 2022 йил 1 сентябрдан бошлаб фуқаролар ва йўловчи ташиш фаолиятини амалга ошириш учун лицензияга эга бўлган юридик шахслар ўртасида тузиладиган транс-порт воситаси ижараси шартномаларини но-тариал тасдиқлаш талаби бекор қилинсин ҳамда уларни давлат солиқ хизмати органлари ахбо-рот тизимлари орқали электрон тарзда ҳисоб-га олиш тизими жорий этилсин.

Давлат солиқ кўмитаси уч ой муддатда мазкур бандга асосан транспорт воситаси ижараси шартномаларини ҳисобга олиш ти-зимининг ишга туширилишини ҳамда уни Транспорт вазирлиги ва Ички ишлар вазирли-гининг маълумотлар базалари билан интегра-ция қилинишини таъминласин.

5. 2022 йил 1 сентябрдан 2024 йил охирига қадар шундай тартиб жорий этилсинки, унга мувофиқ:

йўловчиларни ҳайдовчидан ташқари тўртта-дан ортиқ бўлмаган ўриндиқларга эга бўлган енгил автотранспорт воситаларида ташиш фаолияти ўзини ўзи банд қилган шахслар шуғулланиши мумкин бўлган фаолият (ишлар, хизматлар) турлари рўйхатига киритилади;

(Давоми 2-бетда).



Олий Мажлис Қонунчилик палатасида

ИНСОН МАНФААТЛАРИ УСТУВОРЛИГИНИНГ АМАЛИЙ ИФОДАСИ

Олий Мажлис Қонунчилик палатасининг навбатдаги мажлиси бўлиб ўтди. Унда давр талаблари асосида тайёрланган ва жамият тараққиётига дахлдор бир қатор қонун лойиҳалари кўриб чиқилди.

Муҳокамаларда асосий эътибор ҳуқуқий ҳужжатларнинг ҳаётимизда қанчалик даражада аҳамиятга эгаллиги ҳамда унинг зарурати ва моҳиятига қаратилди.

Лойиҳа концептуал жиҳатдан қабул қилинди

Олий Мажлис Қонунчилик палатасининг навбатдаги мажлисида “Солиқ ва бо-жхона қонунчилиги, шунингдек, солиқ ва божхона имтиёз-ларининг қўлланилишини та-комиллаштиришга қаратил-ган Ўзбекистон Республика-сининг айрим қонун ҳужжа-тларига ўзгартиш ва қўшим-чалар киритиш тўғрисида”ги қонун лойиҳаси биринчи ўқишда концептуал жиҳатдан кўриб чиқилди.

Таъкидланганидек, кейин-



ТАҚДИРИМИЗ ЧАМБАРЧАС БОҒЛИҚ

“Қорақалпоғистоннинг тақдири — бу Ўзбекистоннинг тақдири, қорақалпоқ халқининг бахти ва фаровонлиги — бу бутун ўзбек халқининг бахти ва фаровонлигидир”.

Ўзбекистон Республикаси Президенти Шавкат Мирзиёевнинг ушбу сўзлари айни ҳақиқат. Азалдан қон-қарин-дош бўлиб, бир дарёнинг су-вини ичиб, бир осмон остида, ягона Ватанда яшаб келган ўзбек ва қорақалпоқ халқла-рининг тақдири чамбарчас боғланган.

Кейинги йилларда Қора-қалпоғистонни ижтимоий, иқтисодий, маданий ва инно-вацион жиҳатдан ривожланти-риш бўйича кенг қўламли иш-лар бажариляпти. Оролни тик-лаш, унинг қуриган, саҳрога айланган қисмида яшил ҳудуд-лар барпо этилмоқда.

Сўнгги беш йилда Қора-

қалпоғистон бюджетига қарийб 11 триллион сўм маблағ ки-ритилгани, шу маблағ ҳисо-бидан салкам 90 минг оилга моддий ёрдам кўрсатилгани, 2020 йилнинг ўзида жон бо-шига тўғри келадиган ялпи да-ромад уч баробар ошганининг ўзи бу ҳудудга Ўзбекистон Президенти ва ҳукумати томо-нидан кўрсатилаётган эътибор-нинг амалий ифодасидир.

Шу кунларда Ўзбекистонда олиб борилаётган конституця-вий ислохотлар, уларнинг мам-лакатимиз тараққиётда аҳамияти катталиги, замирида “Инсон қадрни учун” деган ғояни амалда қарор топтириш-дек эзгу мақсад ётгани ҳақ гап.



натижасида фуқароларга етказилган зарар қопланади

Президентимиз жорий йил 20 июнь куни Конституциявий комиссия аъзолари билан учрашувда инсоният камол топиши, фаровон ҳаёт кечиришида қулай ва хавфсиз атроф-муҳит, экологиянинг аҳамияти беқиёс эканини, табиатдаги глобал иқлим ўзгаришлари, Орол денгизининг қуриши билан боғлиқ вазият-

Шу нуқтаи назардан, “ҳар ким

Хозирги кунда умумхалқ муҳома-
масида бўлган Конституциявий кон-
лойиҳаси бўйича ижтимоий-иқтисо-
дий ҳаётимизнинг бошқа йўналиш-

Шу нуқтаи назардан айтганда, аҳоли томонидан билдирилаётган ҳар бир таклиф ва мулоҳазалар Бош қомусимизнинг келгусида мамлакатда атроф-муҳит муҳофазасини яхшилаш, экологик барқарорлигини таъминлашининг ҳуқуқий асослари мукаммал бўлишига замин яратади.

Ислом ХУШВАҚТОВ,
Олий Мажлис Қонунчилик
палатаси депутаты.

лашда муҳим ўрин тутмоқда.

Таъқидланганидек, бугунги кунда касабга уюшмалари томонидан қорхона, таъшилот ва муассасаларда меҳнатни муҳофаза қилиш соҳасидаги норматив ҳужжатлар талабларига риоя этилиши устидан жамоат назоратини ўрнатish борида ҳам тизимли ишлар уудаланмоқда. Йил сайин жамоа шартномалари қиритилгандаги меҳнат муҳофазасига оид меъёрларнинг

Савол-жавоб ва қизгин семинарларига бoл бўлган семинарларига ҳодимлар учун зарур умуниси меҳнат шартонини яратган учта тўқимачилик қорхонасига Ижтимоий-меҳнат масалалари бўйича республика уштомлама комиссиясининг ташакурномалари топширилди.

Муҳаббат ЎРМОНБЕКОВА,
Ўзбекистон касабга уюшмалари Федерацияси матбуот хизмати раҳбари.

Қайд этилдики, шу йилнинг февраль — апрель ойларида “Миллий армиямиз — ёшларнигоҳида” шиори остида маҳаллалардаги йи-

Ташкилот спортчилари ҳар йили жаҳон ареналарида юқори ўринларни эгаллаб келмоқда. 2021 йилда улар Ўзбекистон миллий терма жамоалари таркибига 5 та халқаро мусобақада иштирок этиб, жами 16 та — 5 та олтин, 8 та кумуш, 3 та бронза медалини қўлга киритди.

2021 йилдан ташкилот тизимида техник касбларга тайёрлаш муассаса-
"темир дафтар", "аёллар дафтари" ва
дафтари"га кириштирилган оилалар
зандлари имтиёз асосида ўқитилмо-
йили 14 минг 275 нафар эҳтиёжман
қиз автомобилотранспорт ҳайдовчилар
ёрош курсурлида ўқитилган бўлса, я-
840 нафар фуқаро меҳнат бозорини


Матбуот анжуманида ватанпаварлик, фидойилик туйгуларини тарбиялаш асос жисмонан, ҳам маънан етиши йўлида олиб бори фаолиятининг бошқа қирра маълумот берилди.

«Халқ сўзи».

Пойтахтдан келган меҳмонларнинг Алиакбар Содиқов ва Олтиной Раҳимова томонидан ташкил қилинган оилавий болалар уйига ташрифи ҳам болажонларга бир олам қувонч ҳадя этди.

Одилбек ОДАМБОЕВ
(«Халқ сўзи»).

ан ортиқ эски симёғочлар тўлиқ ян-
ланади. 2 минг 200 километрдан
ртиқ ичимлик суви тармоқлари
ртилади, реконструкция қилинади.



Абдулазиз ЙЎЛДОШЕВ
(«Халқ сўзи»).

Темур шоҳқўчаси, 101-уй (9 июль Курбон ҳайити сифатида расман тасдиқланганлиги учун 11-12 июль кунлари қўшимча дам олиш кунлари деб эълон қилинганлиги муносабати билан).

4. «Ўзмиллийбанк» АЖ тафтиш комиссиясининг фаолиятини тугатиш.

ISSN 2010-8788

“Шарқ” нашриёт-матбаа акциядорлик компанияси босмахонаси. Корхона манзили: Буюк Турон кўчаси, 41. ЎЗА якуни — 22.28 Топширилди — 23.45 1 2 3 4 5